




c. epist





2583

L'HOROSCOPE
D V
CONESTABLE,

AVEC LE PASSE
par-tout des Fauris.

M. DE. XXII.

X

39002080M

Case v d

F


39

THE NEWBERRY
& LIBRARY

1326

1622 fah

DE. 10. 18



L' H O R O S C O P E
D V

C O N E S T A B L E .

A V E C L E P A S S E

par-tout des Fauoris.




E n'est pas sans cause
quel'on m'a tousiours
appellé Prophete: car
i'auois tousiours bien
dict de ce Connestable
qu'il ne seroit immortel. Ie cognois
a cette heure la plus opinee de mes
predictions. Ie scauois bien qu'il ne
dureroit pas tousiours: on a beau
chasser, battre, & gourmander les
enfants du legis, en fin tousiours

A ij

font-ils les maistres. Voicy l'Horo-
 scope que j'ay dressé de luy. Il est
 nay de iour, le Soleil entrant par vne
 façon non accoustumee sur la mai-
 son du Cancre en passant par la mai-
 son du Zodiaque: ces mysteres sont
 grands, considéré les attentiuement
 & deuant toutes choses, il faut co-
 gnoistre la forme en laquelle le Can-
 cre apparut en sa natiuité; Car il y a
 plusieurs sortes de cancrs selon les
 Naturalistes, il estoit de la façon de
 celuy que nous nommons ordinai-
 rement.

CANCELVS.



OR venons à considerer quelle
 simpathe & conformité auoit

de Luyne avec cette beste.

Premierement Belon liure 2. des Poissons, remarque que cest animal a vne coquille, mais il la desrobe à quelque autre genre de Conchiles & se cache dedans.

Secondement selon le mesme Auteur au mesme liure, il n'est bon à rien qu'à prendre les autres les mettant à l'ameçon.

Tiercement, il a quantité de pieds & de Griffes.

Au premier nostre Connestable, a-il iamais rien fait autre chose que se saisir non par force mais par finesse & tromperie des places & Citadelles du Roy, pour sauuer & mettre à couuert ses rapines & sa personne. A il iamais esté reuestu que des plumes d'autrui: & de telle façon que chacun reprenant le sien il demeureroit pire que le Corbeau d'Esopé.

Au second, qu'à iamais fait en sa vie autre chose de Luyne, que tromper, seduire, & abuser vn chacun, témoin vn mesme Office qu'il vendoit

à trois personnes differentes.

Au troisieme, qui a iamais eu tant d'adresse à s'enfuyr que luy, & qui iamais fut si peureux & timide que Luyne, qui s'effrayoit de l'ombre de son espee lors qu'attachee à son costé il s'admiroit à la chandelle: Et qui voyant vn iour Monsieur du Mayne en peinture (que Dieu absolve) tenant vne espee en sa main durant le siege de Montauban, s'effraya si fort que se mettant à genoux commença à crier, Monsieur Monsieur ie vous prie merci pardonnez moy.

Au reste, ainsi que toutes les pat-
tes de ce Cacre ont des serons, Luy-
ne prenoit de tous costez : *Et ab hoc*
& ab hac & ab hoc.

O: venons sur ce que i'ay marqué
au Ciel, il y a quelque temps estant
transporté iusques à la dernière vi-
sion de l'air.

I'ay veu premierement selon l'or-
dinaire toutes les planettes, Satur-
ne, Iupiter, Mars, Mercure, le So-
leil, Venus, & la Lune, visiter sou-

uent la Maison du Cancrre, & Iupiter
se courir du Zodiaque.

Puis apres vne estrange metha-
morphose, i'ay ouy vne estoille cō-
me celle de quelque sage Caton, ou
plustost valeureux Alexandre, par-
lant ainsi à Iupiter. Iusques à quant
toy qui est Maistre du Ciel & de la
Terre, fleschiras-tu? & t'assuiettiras
tu à passer soubs ce Zodiaque? ne
veux-tu point secouër le ioug.

Puis i'ay veu Iupiter ayant à gré
ses paroles dire, Ouy ie le veux, ie
trouue ton Conseil fort bon, il faut
foudroyer le signe du Cancrre, le
Thaureau, le Bouc, le Scorpion, &
le Gemini, afin que ma puissance s'e-
stende par dessus, battent les estoil-
les, & qu'il n'y ait maintenant autre
maison que la mienne.

Alors Iupiter appellant Pandore
avec sa boîte, commande à quel-
qu'un de ses partisans (qui sont or-
dinairement toutes sortes de maux
& de maladies) commande disie au
Pourpre d'aller frapper le Cancrre &

briser tous les signes du Zodiaque.
Qu'est-ce qui nous est figuré par ce-
la, sinon que Dieu qui a les cœurs des
Roys dans sa main a exaucé le no-
stre en sa tribulation par les prieres
journalieres de tous les bons Fran-
çois.

Ces dragonneaux ont esté foudro-
yez, tous les autres meschās qui n'e-
stoient au fonds que Celiers, Tau-
reaux, Boucs, & la plus-part Gemi-
ni, & Scorpions ayant bonne appa-
rence d'abord, mais picquāt & tuant
de leur queue.

S I Z A I N.

*N'atmets Plutō dans tes lieux sombres,
Si tu ne veux troubler les ombres,
Celle de Luyne qui vouloit
S'il eut peu maistriser la France,
Le Ciel en a fait la vengeance
Fasché de ce qu'il la troubloit.*

*Celuy qui espuisoit la France,
De ses Finances & moyens,*

Reduisant

*Reduisant en grande souffrance
 Ses Villes , & ses Citoyens :
 A receu la mort meritee
 Par ces Crimes par tout cogneus ,
 A sa trahison proiectée
 Ses Complots ne sont paruenus.*

LE PASSEPARTOUT
des Fauris.

*Le temps se passe
 Et la mort vient ,
 Monsieur trespasse
 L'autre revient.*

VN quart d'heure de patience,
 Messieurs, pour entēdre le sens
 mystique du mystere de ce passage.
 Depuis le temps que l'Alayne est
 flestrie, & depuis que toutes les pen-
 sions ordinaires ont esté retran-
 chees, le Pere Arnoux a voulu ren-
 dre action de grace à Dieu, de ce
 qu'il auoit gaigné sa cause & son pro-
 tés. D'autant (disoit-il) que luy &

tous ceux de sa laquelle courroient vn grand hazard de perdre le credit, & la bonne intelligence qu'ils auoiēt auprès de la personne de sa Majesté; si par vn heureux destin la Nature n'eust permis que le Connestable pretendre ne se fut resolu d'aller entreprendre l'escalade du Paradis; pour voir s'il y paruiendra avec autant de facilité, comme il auoit fait deuant Montauban. Mais il y a trouuée les murailles pour le moins aussi bien renforcées & reparees comme celles de Montauban; il est aussi vray semblable qu'il gaignera autant d'honneur contre les vnes comme il a fait deuant les autres, & qu'il est bien plus croyable que l'entree de Paradis luy sera bien plus difficile que celle de Montauban; ayant plus d'amis en vne place qu'en l'autre; ven que l'on tient pour chose certaine qu'il auoit accordé avec le sieur de Rohan, de faire en sorte de pacifier leurs guerres, & de faire esteindre toutes les mauuaises conceptions qu'on auoit conceuës con-

tre les messieurs de la Religion prétendue Reformees, voila pourquoy l'on eut eu de plus d'occasion de luy mon-
 strer pl^o beau visage en ceste place que
 non pas le feu Duc de Mayenne & le
 Cardinal de Guise en Paradis ; ledit
 Duc ayant expressement commandé
 au portier du Ciel de se bien donner
 de garde de permettre l'entree dudit
 lieu n'y au Connestable, n'y à aucun
 autre qui luy peut appartenir, appor-
 tant pour preuve de ces raisons, que
 par tout ou le Connestable estoit il
 taschoit de s'y redre le maistre, & que
 quand ce ne seroit que pour son inte-
 rest particulier, qui le poussoit aussi à
 prendre ainssi vengeance de luy. l'oc-
 casion estoit assez capable de permet-
 tre qu'il s'opposast à cela : par ce qu'il
 auoit sceu depuis sa mort que le coup
 mortel qu'il auoit receu aux tranchées
 n'estoit prouenu de Montauban, mais
 bien d'un qui estoit de l'armee dudit
 Connestable, qui auoit esté gaigné par
 moyen d'une certaine somme que
 Monfigot luy deliura comme nous a-
 uons sceu depuis par le moyen dudit

Secrétaire qui pensoit auoir quelque
 grace par la confession de ses fautes si
 mal à propos commises: mais ie crains
 qu'il sera contrainct de tenir compa-
 gnie à son maistre, & d'aller voir s'il est
 aussi aisé de voler au pays bas comme
 à l'armée; mais s'il entreprend ce voya-
 ge ce sera avec plus d'honneur que son
 maistre, d'autant qu'il luy est allé par
 le grand chemin de poltronnerie es-
 tant mort dans son liect comme vn
 des plus coüards de toute la race des
 Prouençaux, cestuy-cy voulu suiure
 le chemin Royal, desirant d'estre ac-
 compagné de tous les Officiers de la
 Couronne, ayment mieux de mourir
 en public & à la veüe d'vn chacun que
 non pas dans vn liect comme vn hōme
 effeminé; car peu de personnes ont eu
 le desir de le vouloir deffendre en ces
 causes si ce n'a esté par aduenture le
 sieur Cadnet, qui est pour le present
 Monsieur le Gouverneur de la Pro-
 uince de Picardie, encore bien que le-
 dit gouvernement neluy ait esté don-
 né à si bon prix cōme il semble à beau-
 coup de personnes, si Monsieur le

Prince s'estoit aussi biē vanté d'auoir receu les cent mille escus qu'il a eu, chacun en sçauroit mieux à parler; il n'a point ttop mal fait à ce qu'il dit, car tandis qu'il a prins, il n'a iamais esté prins, se souuenant bien que ces messieurs ne luy venoiēt offrir de si beaux presens, cependant qu'il s'occupoit à louer des chambres dans la forteresse de la Bastille, ou dans le Chasteau de Vincenne, il n'a eu aussi depuis aucune enuie d'y retourner, aymans beaucoup mieux estre en garde en son gouuernement qu'aupres de la porte de saint Anthoine : passons outre, nous auons desia dit que ce monsieur le Gouverneur, voudroit bien deliurer ce pauvre prisonnier, par quel moyen que ce fust, pour cause qu'il craint de ne trouuer personne qui luy peût estre plus propre ny plus secrets aux affaires qui touchent la vollerie comme celuy-là estoit, ayant desia fort bien accompli son apprentissage durant le temps qu'il estoit au service du Connestable auparauant grand Voleur ou grand Fauconnier de Frâ-

ge. Je déplore la mauuaise destinee qui permet que cette miserable Citadelle d'Amyens serue d'Azil & de refuge à ces perturbateurs du repos public, & soit la retraicte des messieurs qui n'ont iamais fait d'autre profession que de iouer de la Harpe ; l'on diroit que c'est vn bien hereditaire qui appartient du pere au fils: car en premier lieu le marquis d'Ancre qui a esté celuy qui a autrefois donné entree à ces messieurs pour paruenir à la faueur, & qui sçauoit aussi bien retirer ces pieces comme homme de sa qualité, en a esté Gouverneur apres luy le sieur de Mōbason y a esté estably, qui a esté vn des premiers qui ait esté enrolé dās le Catalogue de ces messieurs, car s'il s'en pensoit excuser pource qu'il a fait ou biē cōtrefait l'hōme de bien cepēdant qu'il a esté en cette Prouince, il n'oseroit aussi nier, si ce n'est à la presence d'vne douzaine & demie de dementis, qu'il n'aye receu de bonnes & belles pistolles des messieurs de la Religion, pour auoir empesché vne autre saint Barthelemy, qui ne leur pouuoit es-

chapper, à cause de quel que boutte fus de leur Religion, qui ont esté la ruine & la consummation de la richesse des Ponts bruslez, ledit sieur a pour le moins deux pieds & demy de né quand on luy plante ce paquet deuant la porte, ie crois que ce n'est point pour estre camus; son successeur a esté son beau fils, qui a esté le superlatif & le Colonel de la compagnie de messieurs les grands voleurs : il n'est besoin de descrire icy sa vie, chacun la sçait fort bien: N'yent-il que son frere, qui seroit marry d'estre tenu pour plus honnestes homme qu'il n'a esté, & c'est ce monsieur entre les mains duquel la succession de cette miserable forteresse est tombee & à qui de Gouuernement de cette pauvre & affligee Prouince, a esté depuis peu donnee. Je ne m'estonne pas si l'on dit maintenant parmy les Courtisans faire la reuerence à la Cadnette, car ie crois qu'il a pour le moins autant vñe de bottes que de souliers pour les reuerences qu'il a fait à ceux qui ont esté cause que ce bon morceau luy est

tombé entre les mains : ie ne scaurois croire qu'aucune ialousie se fussent semées entre les Princes & Gentilshommes de cette contree pour l'accompagner avec autant d'honneur & d'ambition comme il auoit fait à son frere, car la peine que plusieurs auoient pris pour les caresser en croyant recepuoir quelque mercede d'eux, a fait que les autres n'ont mouillé le doigt dauantage au pot pour gouster à quelle sauce ces messieurs ce traictoient. Aucuns trouuant le premier assaisonnement vn peu trop salé pour eux ; Car depuis vn certain temps vn bruit commun bourdonnoit à nos oreilles que ces messieurs s'estoient inuentez des statuts & ordonnances entr'eux par lesquelles ils estoient abstraicts d'en faire vne exacte obseruation.

Premierement que tous les profits, hazards & autres choses semblables qui tombera entre leurs mains, n'en sortira iamais pour r'entrer dans celles d'vn autre.

La seconde, qu'il est tres-expressement enioint à tous ceux de leur race d'enrichir

d'enrichir aux despens de qui que ce soit leurs parens, sans aucunement importuner leurs amis.

La troisieme est, qui leur est permis de s'accómoder de tout ce qu'ils pourront auoir sans aucun scrupule, ny sans s'enquister s'ils incommodét autruy.

La quatrieme, qu'il n'est pas besoin de suyure les statuts & ordonnances des saincts Conciles pour iouir du bien de l'Eglise, mais bien qu'il leur est permis de debiter hardiment & donner des bonnes pensions à ceux qui se voudroient deffaire de leurs benefices, & n'espargner en aucune façon de mettre la main à la bourse pour les achepter.

La cinquieme, que ce ne sera peché ny aucune charge d'ame à ceux de leur race qui seront mariez & qui ne pourront exercer l'Office & le deuoir de Pasteur, de prendre des Custodinos; & qu'il y a assés à louer pour eux.

La sixiesme, qu'il ne sera besoin de donner aucun gage à leurs seruiteurs & officiers d'autant que la liberté de

conscience leur sera aulsi bien promise qu'à leur maistre.

La septiesme, qu'il sera permis à leur femmes d'vser de toutes leurs volontez, pourueu qu'elles ayent le soin d'amaasser pour remplir le magazin.

La huitiesme & la derniere, qu'il leur est licite de prendre & de raffler tout soit à tort ou à droit sans estre subiects à restitutions.

Voiez messieurs, si ce ne sont pas là des loix fort iustes & équitables & dignes de telles mâgeurs & sangsuës du peuple, ceste loy a esté nommee la loy du triumvirat que i'ay voulu vous faire veoir, afin de permettre à ceux qui s'en pourront seruir à leur aduantage nel'apoint negliger: Ceux qui pour le present sont curieux de mettre en lumiere les genealogies des maisons les plus renommees, s'ils se veulent occuper à faire ou à descrire celles des hardis preneurs, ils n'ot qu'à suiure de droicte ligne celle qui descend de la tige de ces messieurs & en feront vne assez ample. Or voila comme ces messieurs se sont tousiours maintenus, &

comme ils suiuent les vns les autres à
ce miserable gouuernement: ce qua-
train ne viendrait trop mal à propos
touchant ce discours.

*Vn desbande ressort
L'autre ressort déplace,
Ainsi Luyne mort
Vn autre prend sa place.*

Sil'Exempt des Gardes qui fut en-
uoyé en cette place, eust plus che-
uauché que n'a fait Brante sa Fem-
me; peut estre n'y futil arriué trop tard,
car à son arriuee, la place commen-
çoit desia à se nettoyer, & le bagage
estoit presque tout ployé, c'est pour-
quoy le poëte Quiquon d'Amiens à
fait ces Vers sur l'heureuse arriuee de
ce courrier.

*La prompte messagere
Du vray & du faux bruiet:
Qui de course legere
Chemine iour & nuit.
Auancoit la ruyne
Au Lieutenant du fort,*

Du sieur de Luyne,

Et sa soudaine mort.

Quand vn nouveau message

Party du camp du Roy,

Vint fermer le passage

Arrestant le charroy.

Que ces doubles visages

Auoient fait charger

De thresors & bagages

Du bien de l'estranger.

Le crois que les appetits de Conne-
stable estoient semblables aux vipe-
reaux, qui à mesure qu'ils croissent
rongent le ventre de leur Mere, la
tuent, & se maintiennent aux despens
de leur vie : de mesmes les appetits
mal reglés de cet hōme, eut sans dou-
te tuez & rongez la mere de la France
s'il eust vescu d'auantage, & eust es-
puisé les coffres & magazins des Fi-
nances.

C'est assés dit-il, nous faut mainte-
nant parler à Monsieur nostre Apolo-
gien qui scait si bien faire la petite
bouche, pour vouloir empescher les
langues de dire la verité, comme s'il

ignoroit que tant plus les pretextes
sont grands & specieux , les hommes
s'abandonnent à les soutenir ; vou-
lant flatter l'oreille de ceux qui ont
remplý l'Eglise de schismes, les con-
sciencés d'erreurs, l'Estat de diuisions,
la Police de desordre , le peuple de
miseres , bref qui ont causé mille ma-
ladies au vaisseau de l'Estat. Respon-
dez , puis que vous en estes vantez,
les belles & les genereuses actions que
le sieur Connestable à autresfois fai-
ctes n'estoient-elles pas composées
(comme l'on dit) des couleurs des
manteaux de monsieur de Vendosme?
en quel peril? en quel hazard c'est-il
iamais precipité? veu qu'il auoit seule-
ment crainte de son ombre quand il
estoit seul, aussi n'a il eu le renom d'a-
uoir eu la teste trop legere pour s'estre
porté le premier aux coups, sa person-
ne estoit trop necessaire pour le bien
particulier de sa maison (comme dit
vn certain) & non du public (dit l'au-
tre) c'estoit assés s'il auoit l'honneur
de commander , car il se fut trouué
bien honteux, s'il eust fallu qu'il eust

obey, d'autant que les coups & les batailles luy desplaisoient pour le moins autant comme elle plaisoient au feu Duc de Mayenne. Vous sçavez bien dire que messieurs de Guyse & plusieurs autres vertueux Capitaines sont blasmez dans la Chronique. On vous le nie absolument, car iamaïs ces messieurs n'ont donné subiect, comme ceux qui sont sous la protection de vos escrits, d'aucun blasme ny injure, & que le Pere Arnoux ny plusieurs autres que vous dictes estre accusez Auteurs & inuenteurs de la guerre: ne sçavez vous pas, que nulle guerre tant aduantageuse qu'elle puisse estre, n'est si profitable au public qu'aucune paix quelle qu'elle soit? Mais ie sçay bien que le zele d'un vray amour ne vous a fait mettre la main à la plume de si bon cœur comme la recompense que vous avez pretendu de celle à qui vous avez présenté vostre admirable Apologie; ie vous donne aduis de continuer comme vous avez desia commencé, vous en pourrez retirer quelque bon profit, mais ie vous

prie les escrits que vous auez fait voir à Madame de Luyne, sont-ils au moins veritables? Sans doubte vous les auez fait mettre dans vn Dedal, d'où ils auront fort à faire d'en trouuer la sortie; pour n'auoir aucunemēt suiuy le droict fil de la verité, aussi certe vos escrits qui se sont vantez de soustenir ces Messieurs, seront plustost tenus pour huees noires & espais, les qui ne se creueront iamais sans le tonnerre de mesdisance d'vn chacun, que non pas vn vray Tableau où seroient representez les belles & genereuses actions de vos mecenates, mais plustost seront estimez Archiues d'imperfections: vous eussiez bien desiré de tirer hors du cercueil celuy qui par vn exprés destin a esté accablé, afin qu'il vous peust aider à faire armer les plus couiards au tochin de vos faux, feints, & iudicieux, escrits: mais vous ferez beaucoup mieux d'occuper vostre esprit, & vos discours à entretenir les dames & celles dont vous esperez quelque recompense, que de vous proposer à respondre par escript à

ceux qui ne representent la verité que toute simple & toute nuë , les opinions de la Chronique ne sont farcies des drogues de la haine , mais d'un vray zeile qui les trāsporte. Je n'adrefse les nuës à ceux qui me pourroïēt servir de cantions pour les deffendre. Je vous les dedie pour mieux les attaquer , mordez-les si vous avez bonne denture: vous tafchez peut-estre à acquérir les charges du miserable Monfigot , si vous avez bonne langue à vous faire entendre vous y pourrez paruenir , il y fera aussi chaud pour vous que pour luy , reste qu'on prendra maintenant plus prés garde aux secretaïres que l'on n'a pas fait du passé. I'ouure l'entree à vne autre response , m'asseurant que vostre plume ne fera si outreuidee de passer les limites du stil d'un vray & naturel escrivain: la mienne luy presente ce Cartel, non tiré du plus releué stil des poësies du Seigneur Garnier , ny d'autre infinité de poëte à grand volume, mais tiré du cerueau d'un qui vous craint autant qu'il vous estime.

• Porte-

Porte-fueille des Dames,
 Courtisane rempoché,
 Qui pour flatter les femmes
 Fait si bien l'empesché.

En deux mots ie t'annonce,
 Si d'une autre raison
 Tu n'enfle ta response
 Je t'estime vn Oyson.

Bonne nuit.

RESIOVISSANCE

de toute la France, speciale-
 mēt de tous les bōs François,
 sur la mort du Connestable.

C'Est aujourd'huy, SIRE, c'est
 aujourd'huy que ie respire sous
 l'Astre favorable de vostre Majesté:
 C'est aujourd'huy que sans crainte
 de supplices & des gibets, j'ose vous

D

recognoistre pour mon Prince absolu: Car auparauant cette heureuse iournee, V. M. n'estoit que le manteau duquel se couuroit le tyran de vostre Estat: Les violences, surcharges, & despences, inutiles se faisoient en vostre Nom: Il vengeoit ses passions par vos armes, establisant sa tyrannie de vostre grandeur, afin de l'opprimer par apres, lors qu'il en eut eu peu à peu tiré tous les moyens de son establissement: Il vous rendoit odieux à vostre peuple par ses iniques deportemens sans que vostre Majesté y contribuast aucune coulpe: Il chassoit vostre Noblesse qui ne vouloit flescir sous son insupportable ioug lors que vous l'eussiez désiré. Il regorgeoit de thresors, lors que vous en estiez grandement disetteux: Il auoit à son leuer deux cens Gentils-hommes, & vous n'en auiez pas deux douzaines: Entroit-il dans vostre Louure, tout estoit plain: En sortoit-il, c'estoit vn desert. Quand on parloit de

V. M. c'estoit vn petit enfant. Par-
 loit-on de Monsieur le Cōestable,
 tout trembloit, tout applaudissoit à
 ce seul mot. Enuoyoit-il quelqu'un
 des siens aux maisons de ses creatu-
 res qu'il auoit establis à vostre Con-
 seil. Fust-il Controolleur General
 des Finances ou autres, quand vn
 Prince ou Seigneur de qualité & de
 merite eust parlé à luy, il le quittoit
 pour escouter le nouveau venu,
 quand ce n'eust esté qu'un simple va-
 let de pied, & que ce seigneur eust
 attendu deux heures à sa porte.
 Voila (SIRE) iusques à quel de-
 gré estoit monté l'insolence de cét
 homme, sorty de la lie du peuple.
 Ces actions ne seroient pardonna-
 bles à qui que ce fust, mais on se fust
 moins estonné si c'eust esté vn gen-
 til-homme vraiment François. On
 a veu autresfois vn des Principaux
 Officiers de vostre Couronne, qui
 pour sa valeur & seruices recom-
 mandables auoit gagné vne tres-
 grande autorité, en laquelle s'e-

stant mescogneu il en descheut & perdit la vie : Chacun plaignoit son malheur, & eust desiré cét accident ne luy estre arriué. Aussi estoit-il paruenü à cét charges par des voyes d'honneur: mais ce Gentilhomme icy poltron au possible, n'ayant rien de genereux, n'auoit que des moyës violents & tyranniques pour s'establi. Aussi on n'a pas veu vn homme desesperer son desastre: au contraire ça esté vne ioye si vniuerselle qu'on en a veu de nostre temps vne pareille pour quelque bon-heur qui nous soit suruenü. V. M. SIRE, a eu plus de gloire & receu dauantage de benedictions apres la mort de cét homme, qu'il n'auoit eu auparauant. Les Lacedemoniens se resioüirent plus de la victoire qu'Archidame fils d'Agésilas leur Roy obtint sur les Thebains, que de plusieurs autres par eux gagnées en diuers endroicts, à cause qu'il n'eust vn seul des leurs tué en cette bataille qui fust surnommé sans larmes. C'est donc avec

raisost que nous nous resioüissions
 plus de ce bon-heur qui vous est ar-
 riué sans que l'on aye veu le sang
 d'aucun de vos subjects : que si auiez
 remporté quelque grande victoire
 avec la perte de plusieurs. O Dieu !
 que tes iugemens sont admirables,
 ie les contemples en cette action, car
 tout ainsi que ces principales offen-
 ces estoient faictes directement con-
 tre luy, aussi t'en es-tu reserué la vé-
 geance pour punir celuy qui seule-
 stoit cause des miseres que nous a-
 uons souffertes depuis quatre ans en
 ça par ses pernicious deportemens.
 Ce vous sera (SIRE) vn grand cō-
 tentement d'oresnauant, puis qu'à la
 moindre parole tous Princes & Sei-
 gneurs, qui par la ialousie de ce mô-
 stre insatiable, s'estoient retirez de
 vous, puis que disie au monde clain
 dueil ils vous viennent rechercher
 ne respirant que l'honneur de vos
 bonnes graces, & qui voudroient a-
 uoir sacrifié mil vies s'ils en auoient
 autant pour vostre seruice: ne vous

fera-ce pas aussi vn grand contentement de veoir dans vostre Conseil les bons & anciens seruiteurs du feu Roy Henry le Grand vostre Pere, que vous auez restablis, d'entre lesquels on en peut mettre (en comparaison) avec les anciens Grecs Demosthenes, Socrates, Licurges, & Aristides tant recommandables à la posterité. Au reste vostre peuple ne se lassera iamais de vous benir & prier pour vostre continuelle prosperité, esperant de vostre Majesté, tout bon-heur à l'aduenir. Heureuse donc & cent fois, heureuse iournee, derniere de nos malheurs, & laquelle sera solemnisée toutes les années, si ce n'est que l'on estime ce, ste chetive creature, indigne, qu'on s'en ressouuienne, comme firent iadis les Ezechéens à l'endroit d'un quidan, lequel pour faire parler de luy à l'aduenir, mit le feu dans le Temple de Diane. Voila (Sire) la voye commune de vostre peuple, qui vous souhaite d'une sincere affe-

tion posseder vn long siecle, la
 Couronne de l'Empire du monde,
 & apres cette vie receuoir au Ciel
 celle de l'immortalité.

*Le temps commun pere des choses
 Fait d'estranges methamorphoses,
 Avec ses mouuemens diuers,
 Il n'est chose qui ne transforme,
 Tout ce qui est en l'Vniuers,
 Avec le temps change de forme.*

F I N.

